

穴法總論

論鉗形穴

附京山王御史地

承天寺前地

南田寺前地

龍泉寺前地

龍泉寺前地

附余氏三郡侯地

舒御史祖地

臨海河高書祖地

陶尚書祖地

孫太師祖地

附吳公祖地

附吳公祖地

趙郡公祖地

趙郡公祖地

附吳公祖地

附吳公祖地

附吳公祖地

附吳公祖地

附吳公祖地

附周御史祖地

論分鉗穴

論分鉗穴

附倪公祖地

附倪公祖地

附倪公祖地

附倪公祖地

附倪公祖地

附倪公祖地

附倪公祖地

附倪公祖地

附倪公祖地

附周御史祖地

論分鉗穴

論分鉗穴

附倪公祖地

附倪公祖地

附倪公祖地

附倪公祖地

附倪公祖地

附倪公祖地

附倪公祖地

附倪公祖地

附倪公祖地

人子須知

五



12

12

12




人子須知卷之十五

穴法總論二

論鉗形之穴

鉗穴圖



凡鉗中微有  
乳宜就乳頭  
扞穴忌乳頭  
峻急脚下落  
槽



凡鉗中微有  
窩宜就窩間  
扞穴忌漏槽  
貫頂界水淋  
頭

鉗穴即廖氏開脚穴也凡曰釵鉗曰虎口曰合谷曰  
穴曰僊宮曰單提隻臂單股弓脚等形皆鉗穴之異名  
耳為穴星開兩脚者也平地高山皆有之除星體另論





針灸

而鉗之爲形凡八格曰直鉗曰曲鉗曰長鉗曰

短鉗此五者爲正格又有邊直邊曲曰僂宮邊長邊短

曰單提邊單邊雙曰疊指此三者爲變格八格各有

體一是鉗中微有乳乃乳穴之變來者宜取乳頭拊穴

要兩邊界水分明頂頭員正切忌乳頭粗硬腳下落槽

左右折陷元辰直長一是鉗中微有窩乃窩形之變來

者宜就窩間拊穴要弦稜分明頂頭員正切忌漏槽貫

頂畧水淋頭不可不審八格之形又各有俯仰不同身

俯則須微乳面仰多是微窩壅同前推廖氏云凡開脚

之穴靈光向內而潛藏餘氣貼身而護衛左右或有不



齊上下初無二用所以謂之吉穴是也大要頂上端圓  
鉗中藏聚弓脚必須逆水單股切忌直長最怕漏槽貫  
頂界水淋頭元辰傾瀉堂水捲簾經曰鉗穴如釵掛壁  
隈惟嫌頂上有水來釵頭不圓多破碎水傾穴內必生  
灾吳公秘訣云鉗穴元辰多不收莫教直瀉退田牛明  
堂融聚財砂遶定有榮名播九州是也又有撓棹之間  
枝葉之內界水之中多有直鉗謂之假鉗虛鉗務須詳  
辨如誤下之主退敗資財多出疾病幼孤老窳隨水絕  
滅不可不慎若後龍真的入首明白星辰合格證佐分  
曉此穴最貴



鉗形八格

直鉗 曲鉗 短鉗 長鉗 雙鉗

已上五者正格也

邊曲邊直鉗 邊長邊短鉗 邊雙邊單鉗

已上三者變格也

直鉗圖




此直鉗者左右兩脚皆直也兩脚既直切忌長硬須



是婉媚短小爲佳若近前有案橫攔爲義大要頂  
上端圓鉗中藏聚方爲合格若兩脚直長拖拽太  
重而上不周正下復陡瀉內氣既傾外無攔截則  
非融結不可下也

凡直鉗長鉗皆緊夾貼身入穴抱掬有情不似  
龍虎推車長直無情之比方爲真格

曲鉗圖





此曲鉗者左右兩脚彎曲抱內也兩脚既曲最要彎  
如牛角弓抱穴場左右交牙猶妙大要頂上端圓  
鉗中藏聚方為合格若兩脚雖曲頂不端圓  
淋頭則非真結不可下也

長鉗圖



此長鉗者左右兩脚皆長也兩脚既長切忌直硬亦  
不可太長太長則元辰直瀉牽動土牛須是長得  
其宜而婉媚為佳惟近有低案橫抱則不忌長大



要頂上周圓鉗中藏聚方爲合格若兩腳長硬元  
辰傾瀉內氣不收外復曠野則無融結不可下也

短鉗圖



此短鉗者左右兩腳皆短也不宜太短太短則護穴  
不過開腳不真湏是短得其中或外有抱衛方爲  
合格若短不護穴至於漏胎若外無包裹穴必孤  
寒兼以星頭峻急或不周圓皆非真結况短鉗之



穴最忌粗大惟嫩巧婉媚頭面光彩四應有情為  
美若反此則無融結不可下也

雙鉗圖

雙鉗一



此兩邊齊  
對一長一雙  
短不相闕  
鉗  
競乃為吉  
二  
也



此兩宮弓  
抱一前一  
後交牙護  
穴不相尖  
射乃為吉



# 雙鉗三



此內兩臂甚短小名  
曰夾勢忌其尖射名  
曰夾刃凶也

此雙鉗者左右兩脚皆生雙枝者也或三或四以上  
皆同但鉗多必須交牙為美否則元辰太長真氣  
不聚凡雙鉗之格有三體有左右皆雙到者要彎  
曲有情不成相闢有左右一前一後到者要交牙  
弓抱不相尖射有內兩臂短小者廖氏謂之夾勢  
不可尖射尖射則為夾刃夾勢貴夾刃凶宜用工



鋤去尖利作馬蹄形則吉大抵雙鉗惟宜左右相  
護交牙方為合格若兩宮對射或開曠不交皆非  
吉穴不可謂其合雙鉗而用之也

鉗形變格

邊曲  
邊直  
圖



此左曲右  
直名曰左  
僊宮亦曰  
左弓脚



此右曲左直  
名曰右僊宮  
亦曰右弓脚

此鉗之左右不均邊曲邊直者廖氏名曰弓脚乃左



右之脚或左曲右直或右曲左直亦名僂宮必須  
 曲股逆水乃為合格若曲股順水加以尖利走竄  
 最為不吉卜氏云東宮攢過西宮長房敗絕右臂  
 尖射左臂幼子貧寒極驗不可下也

邊長



此左長右短名曰  
 左單提

邊短



此右長左短名曰  
 右單提

圖



此鉗之左右不均邊長邊短者廖氏名曰單股乃左  
右之脚或左長右短或右長左短亦謂之單提必  
須長股逆水方為合格若長股順水則非吉穴

邊單



此左雙右單鉗穴  
名曰左疊指

邊雙



此右雙左單鉗穴  
名曰右疊指

圖

此鉗之左右不均邊單邊雙者廖氏名曰疊指乃左



右之脚或左單右雙或右單左雙是也雖其左右  
單雙不均却要穴上見其均勻爲佳又須雙邊逆  
水外股長曲弓抱方爲合格若長枝順水有飛走  
之勢不可下也此穴形類疊指主人戲樂無度愛  
賭博然龍真穴的決不破家直至龍盡氣止福力  
已竭亦以賭錢而敗亦主生六指之人

凡鉗穴各有二體一是鉗中微有孔一是鉗  
中惟有窩其鉗之曲直長短等格又各有左  
右轉金轉火轉水轉木轉土及一脚轉金一  
脚轉木一脚轉水一脚轉火一脚轉土凡二



十五格及帶曜穴格各與前窩穴相類面繁  
不載學者以例推之可也

鉗穴名地諸面附後



京山王御史地

曲 鉗 穴 格





右地在京山縣南二十里土名歐家冲其龍來遠不  
詳述入局起御屏土星正脉中落遠迤數節到頭復  
束氣起金星開鉗結穴鉗脚拘抱彎曲有情下吐餘  
氈平坦明堂田源之水特朝前砂天馬貴人旗鼓排  
衙羅列水口交固而兌峯卓立特秀乃催貴之地王  
氏葬御史虹塘公宗茂公女配太史李公維楨以茂  
齡膺誥封是其應也公福祉方隆  
凡英離兌三位之峰特秀者主出女貴此地兌峰  
獨秀甲於羣山故女貴應之



承天商尚書祖地

義公墓

直鉗穴格

外面大

湖登穴

不見

來

鹽池港

湖



入首亥龍壬

山丙向有案

無朝內緊外

寬



右地在承天府北四十里地名老人倉龍遠不述入  
局平岡開帳過峽牽連如浪湧擺摺活動八首成太  
陰金星開兩鉗結穴頂圓而鉗脚直夾細嫩嫵媚穴  
下平坦如掌心四勢和平塋後第四代出端愍公大  
節登進士官至兵部左侍郎贈尚書令世宦未艾



莆田林布政祖地

長鉗穴格

蘭水

海



下一穴黃氏名  
地仙人脫履形  
亥龍入目抖壬  
山丙向



右地在莆田城北一里其龍分府幹旺氣奔騰磊落  
入首起金星開鉗結穴後坐九華前對壺山穴甚尊  
貴但兩鉗既長前鋪餘土壅塞內堂莖後三代偶去  
穴前之土二泉公澄源即登會魁官至方伯今人文  
濟濟福祉未艾

按是地龍旺穴秀撞脉安棺極善去其餘土亦天  
啓其衷耳造化福善豈偶哉



莆田葉布政祖地

短鉗穴格

正朝

水來





右地在興化府治南三里其龍分府龍之旺磅礴綿  
亘氣勢雄偉比八首大斷穿田變爲平岡枝脚均均  
合格結倒地木星節包之穴開鉗明白兩掬微茫高  
尺許彎抱有情穴上吐出氈褥證佐分曉明堂融聚  
水口一墩關鎖交固誠義地也塋後出梅峰公珩登  
進士官方伯子曰士賓登會魁官正郎孫荆坡公九  
金以少年登嘉靖戊辰進士累任僉憲人才迭出富  
貴方隆



台州王氏祖地

短鉗穴格



大水來

出五代進士

向辰

戌

乾

戌



右地在臨海縣西南五里其龍發自望海峰大枝頻  
起大帳中有衝天木星翻身轉換抽出水木連行數  
節兩畔送從齊來中脉跌斷過峽有扛夾丹起大帳  
落脉做穴開鉗分曉坐辰向戌乘乾氣入首前案如  
屏如几逆水有情大江橫遠隔江幘山挺然臨江雙  
塔秀異明堂平坦又有小水交鎖登穴觀之諸峰逞  
異雖俗眼亦知其吉地蓋陽龍陽向結成陽局形勢  
雄勇力量必大此其證也孰謂辰戌而可棄諸但要  
避其金氣爲妙耳四金者辰戌丑未是也辰有元金  
戌有婁金丑有牛金未有用金乘氣分金必避此元



婁牛鬼之度然天度五行又有微妙四金宿間復有  
屬土屬水者允爲吉度不可一槩謂金氣也故丑未  
勝于辰戌亦有大吉之度必真傳者能知之能用之  
耳此台州王車溪公墓出五代連登進士石梁公官  
太守曰王宗會魁進士官知府曰文進士官叅政曰  
冕鄉魁曰愿刑部員外曰璘進士曰度進士官知府曰  
胤東曰亮進士福祉未艾



龍泉張侍御祖父地





右地在龍泉縣東北三里其龍分縣龍旺氣開帳過  
峽連起三節金星即結二穴皆吉而右爲正穴乃御  
史公父地左穴其祖也曜氣發揚不利初年塋後稍  
不吉三十年後出貴大旺主顯貴巨富今福祉方亨  
按是地也龍分縣脈旺氣開帳過峽數節結穴穴  
情明白曜氣發揚誠吉地也左穴力差輕右爲正  
穴其塋未久福祉猶未發越云御史公名啓元號  
文峰



人子須知卷之十五



人子須知卷之十六

穴法總論三

論乳形之穴



左右兩  
臂弓抱  
不紐會



左右兩  
臂弓抱  
而紐會

乳穴卽廖氏懸乳穴也一名垂乳一名乳頭乃穴星開  
兩臂中間生乳者是也平地高山皆有之除星體另論



外見欹而乳之病形凡六格曰長乳曰短乳曰大乳曰  
小乳此四者爲正格曰雙垂乳曰三垂乳此二者爲變  
格六格各有二體一是左右兩臂弓抱紐會一是左右  
兩臂弓抱不紐會蓋乳穴最忌缺露凹折故必有两臂  
衛區方爲真結作耳六格之形又各有俯仰不同身俯  
則須脫然就粘面仰又宜湊毳接脉不可不審若後龍  
真的入首明白星辰合格證佐分曉此穴極貴廖氏云  
凡懸乳之穴生氣凝聚而下垂靈光發露而外見兩宮  
俱到一乳正中所以謂之吉穴是也大要圈中舒暢乳  
上光員最忌兩臂無情左空右缺折陷凹虧水穿風射



經云乳頭之穴怕風缺風缺水入人滅絕是也又有垂乳而斜曲者謂之假乳經云凡是乳穴曲則非曲是包畏非正穴是也蓋正中是垂乳斜曲是山脚故甫及有垂乳而粗頑臃腫峻急稜增突露硬惡皆謂凶乳廖氏云飽壯粗如覆箕樣醜惡那堪相具公云粗雄臃腫及峻急鬪殺衝刑大不宜是也凡此之類務須詳辨如誤下之主軍賊少止孤寒絕嗣不可不慎

乳形六格

長乳 短乳 大乳 小乳

此四者正格也



雙垂乳 三垂乳

此二者變格也

長乳



此長乳者兩掬中間垂乳長也不宜太長太長則脉  
不活前輩多以長乳分三停立穴謂之天地人三  
才之穴必須要有宛然平坦處審前後左右四勢  
情意并點不可於峻急直硬強勉鑿穴大要兩弓



掬抱一乳正中不欹不側不峻不粗方為合格若  
長而硬粗而峻如飽肚腫脚如竹篙如擲鎗之類  
則非真結不可下也

# 短乳



此短乳者兩掬中間垂短乳也不可太短太短則力  
微氣弱須是短得其宜界水明白為佳大要左



右抱一乳正中不粗不峻方爲合格若太短而急  
硬粗峻界水不明或如覆箕或如頻鍾之類則非  
真結不可下也

大乳



此大乳者兩掬中間垂乳大也大近於粗不可太大太  
大則必粗頑臃腫湏是大得其中不飽不粗爲佳



大要左右彎環抱衛有情一乳正中不欹不峻方  
為合格若大而粗硬而急肚飽臃腫濶大懶坦則  
無融結不可下也

小乳



此小乳者兩掬中間有微乳也不可太小太小則力  
微氣弱又恐左右兩掬雄壓欺穴湏是小得其中  
乳頭光員左右相稱為義大要兩宮環抱一乳正




中小而不弱界水分明不欹不峻乃為合格若太  
小而甚微瘦弱尖細左右欺穴傍山高壓則非真  
穴不可下也

乳形變格

雙垂乳



雙星



麒麟

此乳形變格之雙垂乳者中間垂下二乳也要  
大小長短均勻可下雙穴福力相等須星辰尊重



雙乳齊垂左右抱衛有情方爲合格若一長一短  
一大一小一瘦一肥一斜一正則非宜審其特異  
者下之若更不周不正勢非自然必無融結不可  
下也

三垂乳




三台

此乳形變格之三垂乳者兩掬中間垂下三乳也要



大小長短肥瘦相等可下三台穴須是後龍旺盛  
 氣勢弘大方結此穴必須三乳同垂左右圓環方  
 為合格若三乳不均偏正羨惡有異宜審中乳合  
 格者下之如中乳又不足觀則非融結不可下也  
 右乳穴其乳下又各有出金出水出木出火出  
 土互格具下

垂 金



圓者為垂金生  
 當乘金向墜  
 處立穴方為  
 合法

水



曲者為垂水生  
 當乘水動下  
 平處立穴方  
 為合法



岳乳穴并

乳頭

乾亥轉  
辛戌





右地在銀邑治南五里土名桐木塢其龍來遠不述  
比八局開六帳帳頂起三台落脉磊落如群羊出棧  
奔躍數峰可愛入首復大斷過脉轉身頓起星辰結  
穴中垂長乳旁開兩肩穴安乳頭不急不飽前吐餘  
氈右拖曜氣近案一山緊關內氣逆收大河前朝馬  
上貴人端拱有情內堂緊夾外洋開暢賴布衣記曰  
桐木塢中扞甲向三代郡侯家富旺余氏塋後果出  
三郡守曰述先者其一也皆守磁州富盛未艾



夾木



直者為夾木

當分三停立

穴方為合法

帶



夾者為帶火

當壓殺剪火

立穴為合法

火

穿土



方者為穿土當求圓就方

量中心立穴垂乳之下平

齊即穿土



乳穴皆有此五等及帶曜八格面繁不及詳具  
後穴星皆倣此

乳穴名地諸圖附下

萬萬山下余氏三郡侯祖地圖見下

桐木塢中杆甲向三代郡侯家富旺  
此賴公記也



舒御史祖地

短乳格

乳脉短

取橫腰

脊氣杆

穴



龍盡處結張

氏陽基自宋

迄今科第蟬

聯不替可見

力量大也



右地在吾邑水車宅背塢龍入局連卓數峰奔騰磊  
落將八首大斲度脉轉身垂短乳結穴前吐餘氈後  
拖鬼星下臂逆掬有力大溪環遶前峰馬上貴人朝  
應莖後出念庭公鰲登進士官御史今福祉永艾



臨海河尚書祖地

大乳格





右地在台州府治東南七十里上名水家洋其龍來  
自蒼山歷黃岩迢遞數百里中間搏換不及詳述至  
將結數里之外如雲從霧擁頓起星峰橫開大帳重  
重過峽湧起御屏屏中抽出一脉石骨清奇尖秀特  
異如玉笋呼為牛角尖尖下串珠走馬又過峽頓起  
太陽中垂大乳兩肩開翅亦如唐帽之勢取僊人坦  
腹形僊童案其前朝之山乃自數十里共祖分枝遶  
轉二十里逆水上奔至穴當前以為正應又收明堂  
之水其左山亦在十里前共祖分枝星峰秀異遶送  
至穴上手而止頓起高岩白樓峰是為北辰鎮塞內



水挺然奇怪穴中不見其水即左右兩源皆自十里  
外夾送至穴前小明堂交扭海潮一來九曲而入其  
大江水大交會一邊天台僊居臨海三縣水會一邊  
太平黃岩二縣水會大海門二山皆在千里之外至  
此交會以作門戶此門即台州郡大水謂大地多在此地却近門戶  
水口間者是也莖後出太守公寵登癸丑進士尚書  
公寬登庚戌進士儒官麟橋坐庚向甲貴應庚甲尚  
書公甲戌生太守公庚午生但庚酉辛甲癸生人皆  
貴且穴星端嚴昌曲應位有理學名臣忠孝廉節之  
應穴形乳頭大而復開口平坦做穴奇恠初莖下級



復并上級而得正穴

台州金侍郎祖地圖見下



台州金侍郎祖地

大乳格

平田大坂

水渠

洲





右地在台州府治南三里土名紫紗畧其龍發自望  
海峰辭樓下殿大頸小伏委蛇奔行有博有換比至  
結穴作巨門土星中落一脈成帶福金星微微開口  
却吐出唇羶平坦百丈後枕巨門如屏屏後望海峰  
掉入雲中兩畔聳起尖峰天乙太乙四神八將三吉  
皆相拱照青龍本身一臂包外雙塔挺然應山遠在  
雲霄下關送水遶上又有陰砂彎抱小水纏于是下  
交固周密真吉地也其左畔一穴尤妙蓋自帶福金  
星前分落又復曲行數節轉身做穴畧合明白而內  
堂之水至此聚注前有送水下關之山以爲正案近



身陰砂寧如金帶乃其始祖塋後科甲繩聯乃侍郎  
立愛立敬二公祖也

南康陶尚書母地圖見下



小乳格

丙山

山沙白

湖大壘左瀾楊

山

山

田


田

田

老五

須矢一丁

十





右地在南康府治北土名五里牌其龍起廬山五老  
峰廡貞火星作祖開大帳正脉中出逶迤大斷過峽  
起少祖山又開帳連節星峰頓跌栖閃穿田渡峽起  
金水星展翅飛蛾入首結穴開鉗中垂小乳伶俐圓  
淨穴前平坦氈唇左右灣環掬抱有情其府治龍自  
少祖山分左脉逆水奔上纏過穴前包裹有力當穴  
前塌落平田以獻外秀塌後復起高山橫遠右畔關  
鎖緊密以收內氣前小明堂低田僅十數丈外陽洋  
瀾左蠡大湖數十里暗朝前面馬上貴人隔湖端拱  
其下白沙山如褰旗如橫如叩頭如囚奴伏列于



下真美地也。葬後出劍峰公陶尚德登嘉靖丙戌進  
士官至刑部尚書祖母百歲重封人丁大旺  
臨海孫太守祖地圖見下



臨海孫太守祖地



小乳格

太守名院



右地石山土穴形如牛眠富而且貴水交於前福應  
綿延

人子須知卷之十六



人子須知卷之十七

穴法總論四

論突形之穴

山谷之穴要藏風故山谷之突必須左  
迴右抱切忌孤露受風卜氏云山谷且  
要藏風是也

突穴圖



平洋之穴要得水故平洋之突四畔坦  
夷亦不爲害但要界水明白水勢主聚  
或遠抱爲佳卜氏云平洋先須得水



突穴即泡穴也堊書云形如覆釜其巔可富是矣凡曰

雞心魚泡鵝卵龍珠及夫紫微旺龍等形皆突穴之異

名耳乃穴星平中起突者也廖氏云如旋螺如覆杓卜

氏云平中一突為奇郭叅軍曰地有吉氣隨土而起皆

突穴之謂也平地高山皆有之而平地為多高山求穴平地求穴

故平洋多俗謂蜘蛛結網沒泥龜蛇等形高山之突必須左右環抱兩臂週

遮方為真切忌孤露受風生氣飄散平洋之地忽然起

突惟要界水明白來脉分曉左右雖皆平坦亦不為害

蓋平洋風從地面而過故不畏風楊公云平洋不怕八

風吹是矣除星體另論外見卷而突之為形凡四格曰



大突曰小突二者爲正格曰雙突曰三突二者爲變格  
四格之形又各有俯仰不同身俯則穴宜湊簷避毬面  
仰則穴宜湊毬避簷不可不審若後龍真的入首明白  
星辰合格證佐分曉此穴最貴蓋起突之穴靈光凝聚  
於中餘氣瀰漫於外所以謂之吉穴大要突面光圓形  
躰穎異高山切忌風吹平洋必須得水乃爲至要又有  
行龍引脉水口羅星關峽墩埠山脚漏落龍神倉庫及  
印墩之類皆有突象謂之假突虛突務須詳辨如誤下  
之主貧窮孤苦漂蕩伶仃不可不慎

突形四格



大突

小突

此二者為正格


雙突

三突

此二者為變格

圖具下

大突




此大突者其突高大也平地高山皆不宜太高大者



太高大則近粗頑不成突格頑是大而相停不至  
粗腫頑懶為佳切要突面光圓形體穎異乃為合  
格大突多為水口羅星及龍身漏落倉庫金箱玉  
印之屬務宜詳辨不可誤也

小突





此小突者微起小突也平地高山皆不宜太小若太  
微小則起突不真湏是小而合格不至微弱為佳  
切要突面光肥形躰穎異乃為合法如或微小高  
低不明界水濶曠或水割四畔微弱無依皆非真  
穴凡小突多為引脉氣泡或關峽璣珠或印墩之  
屬務宜詳辨不可誤也



突形變格

雙突



雙星



麟麟

此雙突者穴星竝起雙突也昔人謂之雙星亦有兩  
 畔生曜牙岐者昔人謂之麒麟皆可下兩穴切要  
 大小高低肥瘦均勻突面周正形骸類異方為合  
 格若大小不等肥瘦不均高下參差務須詳辨擇



特異者下之者彼此似可而不正疑難辨義思  
不分皆非真結不可下也

三突



此三突者穴星竝起三突也昔人謂之三台可下三



穴切要大小相等突面光肥形躰穎異方為合格  
若大小不均又當審其特異者卜之如彼此疑惑  
義惡不辨則非真結不可下也

凡突形有突而圓者○突而方者□◇突而  
稜者△△突而直者▢突而橫者○突而曲者  
✻不能悉述又有出金出木出水出火出土五  
格

五格圖具下



出金



圓者為出金當  
乘金向墜處立  
穴

出木



直者為出木  
當剪木安穴

出水



曲者為出水當  
乘動處安穴

出火



尖者為出火  
當剪火立穴

出土



方者為出土當乘圓就方立穴



右突穴皆有此五者及帶曜八角面繁不及詳載  
後穴是各突穴皆倣此  
突穴諸僊蹟具下



石埭畢尚書祖地

平地大突格

卯向





右地在石埭城縣後龍與縣共不述入首平地連起  
三珠盡突結穴突面員平破突扞穴後頂來脉前據  
厝氈左右交會大溪橫遶明堂朝對水口皆吉葬後  
松坡公銷登會魁累官戶部尚書今福祉永艾



江山趙都憲祖地

平地大突

都憲癸酉  
生此峯應





右地在江山縣南六十里土名石門龜山其龍發自  
江郎山落脉下平田過濶坂一里許復束聚結咽成  
蘆鞭格作銀錠度脉頓起大突成大陰金星連氣結  
突穴突上微開鉗口俗呼龜形係庚巳丙龍八首并  
亥向兼壬塋後出方泉公鏜登嘉靖丁未進士入翰  
林官至都御史今人才迭出福祉未艾



豐城黃大衆祖地

掛榜

山墘小突

山朱

突非向

水

卷之十一



座  
御屏

連  
御屏

早夾屏御

早夾屏御

江



右地在豐城縣東南八十土名龍門其龍來自羅山  
將八首橫列大帳周圍圈幢正脉從中項起飛蛾一  
氣九星到頭起土星御屏屏下太陽金星無脉清音  
而結突穴小巧圓淨可愛穴下雖峻而貼身龍虎彎  
抱交固左右御屏夾耳外重龍虎疊交水遠之玄獅  
象龜蛇鎮塞水口取作將軍大座形陰囊穴登山萬  
仞之高亦天巧穴也近有貴人秀案遠有掛榜列朝  
塋後出肫公登進士官大叅曰翰登進士官太守又  
有一父九子人文鼎盛富貴雙全福祉未艾



# 黃氏祖地

俗呼龜形

山壠小突

水湖

葵向

唐帽

吳氏陽基

田高

只三折





右地在黃安縣西南二十里其龍來自七箇山分出  
右枝磊落奔騰十餘里比入局翻身逆轉開帳為折  
三台中出下平岡又頓跌數節抽脉落山麓臨田蘸  
水起一小突結穴突面圓平下開鉗口破突對口扞  
穴內堂融聚下關有力左有順纏迤逦起伏過穴復  
起墩埠以關內氣以塞水口而外堂田源之水十餘  
里特朝得水藏風誠美地也但其前朝席帽貴沙尖  
於登對乘氣稍乖莖法未善未出顯貴惟鉅富旺人  
以歲薦及應例登仕版者十餘人耳然吾友少虞君  
心學以理學鳴時為邑儒宗亦是地之鍾秀也



豐城沙湖丁氏祖地

平中突突  
上窩裕

孤山

水城

平中  
一突  
突上  
開口

低田

豐城縣治

俗呼雄狗趕雌狗

豐城縣治



石地在豐城縣東半里土名白沙塢其龍結縣後餘  
氣崩洪過脉復起平田鋪氈展席馬跡蛛絲忽起平  
中一突平面太陰開口成天然之窩但後龍穿鑿失  
其本脉不易察認丁氏塋後科甲迭登曰維城官御  
史維南官寺丞維陽官主政曰俊曰仕曰機曰璨曰  
侃俱貴曰璐官大叅曰鍊官少卿富貴未艾



豐城袁氏祖地

須知一十

突向



鶴仙岡

水中突格



俗呼浪潑蝦蟇形



右地在素坊龍遠不述入局開平地帳坦夷無際入  
首水中一埠突出員淨突下吐居四面巨浸左右湖  
岸遶抱有情遠峰一點特朝離脉杆癸向莖後科甲  
連登曰潤進士芳進士叅議光儒知州光翰城應旂  
實遂國寧俱進士光度均咸伯嵩伯睿伯鎬伯雅奎  
俱鄉薦世宦未艾

已上窩鉗乳突穴形妙用無踰于此但造化之機隱  
顯不一顯則易明隱則難辨茲諸形格乃其顯躰按  
畧索理人猶可知至於正躰之外復有異形曰邊窩  
並窩曰分鉗合鉗曰閃乳側乳曰鵲突併突及有窩




鉗而不莖窩鉗有乳突而不莖乳突數者又其怪舛  
隱微難辨苟非明師傳示歷審古格驟而見之必駭  
而疑正所謂任君聰慧過顏閔不遇真師莫強猜者  
也此等異穴形舛雖有不同力量本無二致但至貴  
之龍方有此穴必得真師傳授始識此格如或求契  
肯綮自任聰明妄指平坡死塊爲邊竈之窩歆斜山  
脚爲閃側之乳界水漏槽爲分合之鉗濶蕩頑硬爲  
鷗併之突藉口怪異胡亂作爲是又學步邯鄲而爲  
害愈甚矣慎之慎之謹將異舛怪形諸格口訣述後  
窩之舛二曰邊窩並窩 鉗之舛二曰分鉗合鉗




論邊窩之格

乳之肱二曰閃乳側乳 突之肱一曰鶻突併突

邊窩圖



此左邊窩



此右邊窩



邊窩者窩之弦稜欠缺一邊故曰邊窩乃窩躰之變出  
蓋星辰已止而面峻濶露不能融穴却於其下吐出平  
坡如鋪氈吐唇而一邊微起鬱抱是為邊窩窩中取宜  
淺狹平坦弦稜明白藏聚有情四方拱夾方為合格切  
忌窩中太濶口內坑陷太濶則生氣不聚坑陷則造化  
不融皆不可下左宜慎之此穴多在高山作仰高之躰  
平地鮮有惟吾邑宋國師傳伯通先生自塋父地合此  
格却在山麓切近平地畝具後



德興傅學士祖地

巽岡

天馬嘶

風形

國師傅伯

通自杆





右地在吾邑十四都地名傅家村其山自大龍分下  
開帳出脉磊磊落落數節走馬文星開時展翅八首  
特起金星正面峻急鋪下平坡左畔微高五七寸彎  
掬抱穴合邊窩格外來右山高聳其勢如凌壓俗眼  
觀之但見穴離星躔接脉不着且下抱短縮右畔高  
昂莫不棄之殊不知本星峻惠氣聚平坡下砂雖縮  
而貼穴一掬彷彿高低依倚遠抱右山雖高以本窩  
缺右宜其補襯護穴故取天馬嘶風之格無以前朝  
秀麗水口關欄下後伯通奉高宗詔拜異人持節卜  
相臨安有臨安表其孫文懿公立號初菴官至集賢大



學士學士子巖卿官至集賢直學士人丁大旺不替  
又廖金精爲吾邑張氏下白牛坦地乃合此格其地  
大龍前去中腰一枝開帳帳中落脉數節山半忽然  
平坦左畔微茫掬轉成邊窩之格其左掬亦僅高數  
寸墳頭尚露惟可護棺而已此外則山勢低下一望  
青天甚爲空曠面前一重案山近而且高穴在源頭  
高曠之所俗眼見之莫不驚駭而訾其非也殊不知  
回龍之穴翻身顧祖自然水源不遠案雖近高乃係  
本祖如子孫之見祖父不爲壓穴後龍雖去而本枝  
轉身結成大帳帳中出脉結穴其去山乃餘氣耳雖



高峻本身一臂掬轉前面陡峻皆蔽而不見登穴平  
坦不覺其為萬仞山顛也左邊雖曠而青龍兜轉依  
稀統抱穴不受風此乃地理之至妙而金精之巧於  
作用者也其山結穴之下山脚四五飄然而去故俗  
喚錦帳掛銀鉤之格蓋後張氏出一文一武一神仙  
富貴綿遠至今不替雖不盡係之此而金精為張氏  
作地惟此最先則此又為張氏富貴之藪也具圖於  
下

按金精為張氏所下地諸課總為一帖題曰鍾秀  
圖考其年月此最先也



廖金精下吳園張氏白牛坦地

未葬時常見

白牛在穴處

登山不見之

丁

金馬門

中貴人

巽

丙 向

穴中不見明堂

鳳嶺

地盤


見

大龍此去八十里

去

一取蟠龍沉月

一取錦帳掛銀鉤





課曰其山遠自乾亥高聳結頂轉艮如蛇行如旛入  
丁轉兌又轉艮屈曲入亥作丙向發元辰丙水五步  
歸丁轉卯轉巽長流蟠龍玩月形面前旗鼓文筆排  
列天馬門中貴人朝拱擇己酉七月十四日戊寅申  
時開土深五尺記曰騰雲紫氣欲侵天左方陰陽近  
穴前山水並朝廉貞現為官清正四方傳水金高聳  
兩相看一土陰陽位一般殺氣入雲攢簇簇鳳書來  
聘去為官仙橋帳下勢盤旋登穴分明在半天南極  
聳奇辛與應有文有武有神仙

熙寧二年八月廖禹記



按是地登穴高三里板接上穴又平坦畝餘如掌心  
穴下餘氣山去甚長鑿井截其氣且以大龍帳中落  
脉結穴穴在萬仞山巔其妙惟在峻處有平登穴不  
知其高是為天巧之穴非常見所識世俗尋龍但知  
大盡慶求地此等穴則在所棄噫非廖師之神目主  
人之明見孰能作之其後果出忠定公燾為參知政  
事甲公封忠利侯僊君範紫瓊真人卒如金精之言

云

紫瓊真人詳  
見列仙傳

論並窩之格



卷之十一

竝

竈



此二竈之竝結者要

二穴俱下即發



此三竈之竝結者宜

下三穴



此並窩者一星而有數窩也有兩窩可下二穴有三窩可下三穴皆有富貴三窩中穴力量差勝來龍甚貴者方結此等形穴要窩中淨圓弦綫明白大小相等方為合法浙江餘姚周氏祖地合此格



餘姚周都憲祖地

亦名水巧穴



眾星伴月形交  
龍入首文氏杆  
丙向周氏杆翼  
向中穴數家皆  
敗



右地在浙江餘姚縣地名聞家堰其龍甚義將八首  
起華蓋三台撒落平地穿湖湖中頽起太陰金星而  
結竝窩之格四面皆湖水汪洋巨浸穴石突出石印  
浮水甚為奇特諸峰羅列拱揖齊整宋時姓聞者葬  
右穴出壯元進士十數人發越已過今周氏葬左窩  
葬後五十年出科第十餘人至今富貴未艾其地係  
泛水文星若葬法深淺分金合矩則周氏宜出一甲  
之貴



論分鉗之格

分鉗圖



此分鉗者即鉗鉢中直鉗之變格也乃星辰開口結穴  
而兩鉗分向左右故曰分鉗要鉗中藏聚弦繞明白登  
穴不見兩邊分飛之勢下有檀唇平坦外護抱裹真氣



融聚方為合格寂忘穴中見其左右分飛下無羶層外  
護不抱穴下落槽界水淋頭即非真結不可下也此格  
大要前鋪餘羶為吉如吾邑孫氏下洋地其格也



孫知州祖地

分鉗穴格

回子舞獅  
形綉毬案



地名  
下洋



右地在吾邑五都土名下洋其龍來遠不詳述此八  
局連聳數峰磊磊落落又頃四座貪狼飛蛾降勢垂  
脉下平坡復起金星開口成分鉗之格結穴穴下平  
鋪擅褥鉗中頃口分明前有印星證應流神環遶融  
注明堂團聚水口交固龍旺穴暖誠美地也朝山雙  
峰卓秀以山脚飛揚之勢取作回子舞獅形莖後出  
西溪公喝官雅鄭泰三州州守春公富壽康寧宗武  
宗道俱歲薦登即官今人財兩盛福祉方隆



有落平地為開口之穴者徽州汪侍郎祖地合此格具  
齒于後

徽州汪侍郎祖地





右地在徽州府黟縣地名黃坂坦允山發龍轉亥脫  
落平洋成分鉗之穴粘突就窩放棺外沙包裹前朝  
秀鵬塋後出侍郎又州縣官不替土人呼為汪漣墓



人子須知卷之十七




人子須知卷之十八

穴法總論五

論合鉗之格

合 鉗



此合鉗者即鉗格之變躰也氣從兩鉗而合故曰合鉗



乃龍脉已盡星辰已止而總會處峻硬無穴鉗中又無  
微乳微窩氣融在下兩鉗收處中間合聚成穴微有突  
泡如鉗之鉗物俗亦呼作雙筋夾饅頭之形要嚙唇圓  
整曜氣證應星辰仰面方為合格最忌槽中太深鉗口  
不收唇鹽不明曜星不照有一於此則非真結不可下  
吳國師為吳園張氏下一地合此格俗呼玉筋夾饅頭  
形

圖具于下

廣永豐縣亦有一穴與此同俗亦云玉筋夾饅頭形  
友人鉛山任思梅為予言之予未見不具圖



張翰林祖地

吳景緯馬下

癸山  
丁向





右地在吾邑地名金山土窖穴上有槽俗呼金棍銀  
槽亦曰玉筋交饅頭癸山丁向吳景孺先生為其婿  
張須公塋祖下後須公官虔州倅張根張樸俱入翰  
林

論閃乳之格

閃 乳






此閃乳者乳從偏落閃在一傍故爲之閃如小兒閃躲之義即乳躰之變格也龍勢到此起頂偏下作穴而中出之乳粗硬斜曲無穴可下正氣閃在一邊乃以中乳爲龍虎護衛之沙此穴極爲難認龍從左來閃乳在右龍從右來閃乳在左亦有龍脉中起均均兩穴皆可下者最宜乳頭光彩兩掬有情不粗不峻方爲合格若粗飽峻急瘦弱微小則非真結不可下也董德彰爲婺源倪氏下一地合此格畱具後



婺源倪御史祖地

倪氏地正穴以左山包裏面前盡遮外洋山水一切  
不見局又逼窄明堂朝山俱無只是截風聚氣穴場  
甚暖所以塋下當代即出御史驟發富貴與廖金精  
下明溪許學士祖地當代出貴相同皆是穴間緊固  
一切不見噫此等地非哲師明主則棄物耳







此地在婺源縣太白廵司東一里其龍迢迢而來磊  
落奇特將入首穿峽開帳星辰尊重結穴藏聚兩畔  
護從重重下關一山逆河纏遶關收內堂蔽障外曠  
而隨龍田水平坦四勢團集融結固佳而穴甚奇怪  
董德彰初下中乳天穴以貧外秀不利復扞低穴就  
堂又不利倪氏欲遷別所董師乃自訟曰真龍無虛  
生之理有龍如此豈可舍乎必我悞也乃私往其山  
周匝詳審因知穴結閃乳前所下者皆非蓋中乳上  
旣直硬而下復彎曲頭內故正脉鍾於閃乳而中乳  
乃其護沙但閃乳之穴甚醜怪而一臂左砂又盡障



外秀不見明堂朝對如坐井面墻非俗眼所知直指  
必不我信欲立名以歆之未得其當隨入村莊偶見  
機織豁然有悟遂喚義女擲梭之形穴扞動乳復報  
倪氏果信之復扞塋焉係亥艮行龍轉折酉辛戌乾  
入首扞辛山乙向頂急乳小用離杖下之下後倪氏  
出進賢登進士官御史曰以孚曰昇登鄉試一時驟  
發但御史為人亦不甚正亦閃斜之召耳

補義按是地也先塋中乳總會又塋中乳盡頭要知  
皆緣貪砂水明堂龍虎為悞復扞閃乳之上始得其  
真吁以董公之明尚至三扞而得正穴況其他乎可



貴溪夏閣老父地






右地在貴溪縣土名流口蟠龍形乃側乳穴也其龍  
穴皆貴但堂氣逼窄前山既近且高不見外朝桂翁  
晚年無子自疑地理家有一重案外見青天後代少  
人煙之說乃徙遷之開壙時其下棺木如新菑藤交  
結氣起如蒸未幾公即遭禍但此地葬時公已貴矣  
其禍福未必盡係於此嘗觀其一祖壠在上清宮上  
名桂樹洲者甚義拜相乃在于彼是時亦大興造築  
傷戕龍脉填塞界水又新塋一地在上饒鄭坊穴前  
正見石人山儼然一斷頭之像皆能召禍雖然公端  
人也以身殉國乃其素志遭讒被戮未必盡係於地



但揆之術家禍福之驗似亦不誣併錄於此以為輕  
舉者之戒云

論鵠突之格

鵠突圖



此鵠突者模糊不明之謂也穴星濶大微有界水粗看  
則無細察方有亦太極暈之類也寂為貴穴具公下浮



梁盧氏九癭夫人祖地及豐城楊尚書祖地合此具下

浮梁 盧氏 九癭 夫人 祖地





右地在浮梁縣東鄉吳國師景鸞下也初國師與李  
德鴻善允其鄉之山水亦多指示獨此地為盧氏下  
既下謂李曰昨為盧氏下一國后地李曰何不指我  
國師曰子義地已多何其貪也李曰公侯將相何能  
敵國后之尊乎國師曰是不難吾為子畱之曰令起  
而鬻之乎曰不然令彼貴氣歸子家耳但勿泄於是  
國師詒盧曰前所下地將軍伏劍形劍上宜堆九星  
則其應神速盧果堆之國師囑李曰子宜戒爾子孫  
盧氏有女選妃臨行而發瘻乃貴女也宜娶之他日  
產子必貴李氏如其言以戒子孫有娶婦須娶盧氏




女之訓其後盧氏果生一女應朝選至期忽發九痘  
不入選李氏子孫如八公所戒果娶此女其後生九  
子皆貴顯俱腰金至今浮梁相傳為九瘦夫八云



豐城楊尚書文恪公祖地

一

九



東鄉  
河水

玉帶洲

河溝遠



水去  
今



右地在豐城縣東南二十里土名石灘俗呼笑天龍  
形其龍起自聳峰山作祖撒落平洋順派逶迤而來  
二十餘里隱隱隆隆鋪氈展席將八結穴翻身逆水  
張朝大展平面飛蛾角上出脉穴臨水際登穴視之  
似於散亂無情細察其穴略起微泡左右依稀遠抱  
當面石灘高田橫攔以爲近案案外徐山華蓋遠朝  
面前東鄉之水朝穴下手銅釘口外有遊魚鎮塞水  
口山水大會真貴地也楊氏塋後出月湖公廡官至  
尚書為國朝理學名臣迄今子孫鼎盛未艾



論并突之格

并突圖




此并突者兩突相粘聯起也法當并交界之間蓋以兩  
突合氣融聚在中故曰并此穴極貴惟大龍旺盛者方  
有此穴至難辨認務須細辨不可忽略吳國師仲祥下  
吾邑董氏一地兩虎爭肉形合此式面具下



# 董氏祖地

大溪水來



兩面俱是

太陰星夾

穴取兩虎

爭肉形穴

居內

為




右地在吾邑八都土名海口南五里其龍甚旺將入  
首起太陰落爲平坡復起太陰兩星相照穴立平坡  
之中二突相併處前朝貴人立馬案塋後出進士數  
十人翰林理學數人盤澗先生銖深山先生鼎皆朱  
子門人此地之鍾也  
有窩而不塋窩格

圖見下



南昌劉氏祖地



丑山  
未向

辛  
申  
庚



高欄台三



右地在南昌白湖嶺南其龍分省龍之旺氣透漏而結穴者也自鶴仙岡開金水帳帳中抽出至東城門渡峽復至帳幙嶺五星聚講橫開仙橋大帳中抽出至西城門又大斷起白湖衝天木星清秀可愛正脉渡江去結省城此龍發自白湖側面成正脉三台中峰一線小脉抽下復起太陽金星老龍抽出嫩枝結穴但正面夷坦似窩非窩乃是空窠無氣穴閃一邊且落低平結成下聚昧者或病其龍短不知此乃大榦旺處寸寸是玉矧三台一節結穴爲至貴之格只是穴星有高而不壅窩極爲難認蓋真氣閃於左畔



畧成微突如老蚌吐珠穎異非常左右彎抱有情面  
前河水纏繞奇峰朝揖真義地也宣德九年劉氏葬  
後人財大旺科甲蟬聯何野雲鉗記錄其畧于后

宣德十年歲在乙卯予道經南昌之梓溪因訪劉氏  
季直相見如故朝夕不怠與論陰陽地理之說曰卜  
其宅兆而安厝之此人子大事矧自古以來有國有  
家者莫不擇乎山川形勢以定陰陽二宅為子孫久  
遠計季直唯唯又旬餘告予曰某舊冬塋先室於白  
湖嶺願師一鑑之予諾之遂往見之見其地誠為千  
載松楸之所也因留鉗為後驗云鉗曰湖峰義地穴



離扞左畔仙宮汝占先二十四神皆揖拱三十八將  
盡朝元搗藥杵聲猶未息此龍枕住老龍眠丑山未  
倒坤申水子息金堦玉殿宣先出文林并奉議南鄉  
北保置莊田稅錢三萬七千貫金玉盈箱不計年三  
代神童如及笄生成鐵樹也生烟若問人丁多少數  
芝蔴一石數當添兄弟四房俱發福燒此錢紙玉爐  
邊

有鉗而不莖鉗格

圖具下



石首王翰林祖地

大江水





右地在華容縣東八十里土名七峰山其龍來脉甚  
遠不詳述此八局開大帳頓跌數峰磊磊落落龍勢  
雄昂氣甚旺盛却八首一節抽出平緩為蘆鞭貴格  
結穴穴開鉗口鉗中陡峻不能融結乃就脉素鉗而  
點蓋穴亦以避其鉗中之峻耳與鉛山貴壯元烏石  
山祖地穴頗相似乃江右雷氏所卜嘉靖己丑年莖  
癸巳年生喬桂公登戊辰進士官翰林吉士今社福  
方隆

有乳而不莖乳格



余氏眠犬形





右地在吾邑治南五里土名長塘其龍來遠不述龍  
法階八首工字龍格霞帔度脉起土星結掛角穴乃  
脉從左來穴以右受有垂珠倒氣成太陽頭腦開口  
腦下合土星角穴正格故不取乳以中乳直硬而不  
受穴掛角聚氣藏風後有鬼星前有羶褥左右夾照  
弦稜明白證得穴真俗呼眠犬形懷中氣動穴莖後  
出背山公鉤登嘉靖丙戌進士官衢州府太守人丁  
大旺鉅富稅糧千石應例登仕籍衣冠數十人福祉  
方隆

有突而不莖突格



永康徐侍郎祖地

縣龍步



劉永太課云

一代伶仃二代

貧三代頗有讀

書生四代為官

常近帝五代

六代榜聯登

已山亥同



右地在永康縣西五里其龍與邑龍數十里外分脉  
逆溪水上奔復盤轉入局逆田源朝北結穴穴形奇  
怪有突有突而不塋于突不串龍勢不對明堂龍虎  
俗眼即為死氣之處左砂硬奔攔在面前明堂傾斜  
殊不知十里田源暗朝遶過明堂而纏玄武大溪水  
交會真龍盡氣鍾之吉也先一家塋退敗遷去明師  
劉永太復為徐氏指塋舊穴徐氏曰彼既不吉何可  
塋舊穴劉曰淺深不同乘氣有異且此地本主先凶  
後吉今彼已退敗一代而君葬則凶氣已去吉氣將  
來徐如其言塋之果出侍郎又科第數人富貴未艾



今太守公師獲師臯諸貴皆出此也



人子須知卷之十八



人子須知卷之十九

此一卷專論穴星凡點穴須審八首之山成某星躰  
星躰明白方是真氣融結若八首之山不成星躰即  
是真氣不融楊公云觀星裁穴始爲真不論星辰是  
虛誣但諸家星躰立法殊途故義惡吉凶紛紜不一  
議者或謂五星爲正九星爲變殊不知五星卽五行  
也五行之變不可勝形朱子所謂五行之變至於不  
可窮盡然則九星又安能盡其變哉惟其融結成穴  
雖有正變不同而其形躰未嘗離於五星是五星誠  
守約該博一定不易之理又何泥夫諸家巧立異名



之謬哉謹以子微五星叅酌廖氏模範定為穴星三格端正者曰正躰偏斜者曰側腦倒圯者曰平面而各貫以窩鉗乳突四象庶幾星形明白免於眩惑而易簡之理得矣

### 穴星三大格

一曰正躰夫所謂正躰者以其星辰頭面端正而規模尊重也凡正體穴星鍾五行之正氣融星象之正形故其結作若星躰清秀龍合上格主極品之貴星躰龐濁龍非正格亦主小貴巨富

二曰側腦夫所謂側腦者以其星辰頭腦偏斜而形躰



敲側也凡側腦穴星頭腦雖有不同融結本無異別但其閃巧藏奇故必以樂托為準若星躔清秀龍合上格主貴有威權若星躔龐濁龍無正格主慳吝詭詐殷富三曰平面夫所謂平面者以其星辰倒地而星躔平亮也凡平面穴星高低雖有不同力量本無二致若星躔清秀龍合上格主富貴綿延若星躔龐濁龍格不明亦主富厚

### 穴星三格辨

或問諸家穴法莫詳於泄天機其例以九星各九變曰正躔開口懸乳弓脚雙臂單股側腦沒骨平面皆可以



下穴今何止取正躰側腦平面三者而稱穴星三大格  
又不即以為穴且去其六者不與同列何也答曰泄天  
機穴法固極精義但拘於九變而穴星與穴形二者混  
立穴星者太陽太陰金水天財紫氣燥火掃蕩如曰正  
秘曜天罡九星也穴形者窩鉗乳突之形也曰正  
躰乃穴星之端正者也曰側腦乃穴星之偏側者也即側腦  
之變曰平面乃穴星之倒於平地者也茲三者乃穴  
之星辰有此三格而未可便以為穴必須於此穴星之  
間又各有窩鉗乳突之形方是有穴若無此形而遽於  
正躰側腦平面之上折墜則瀰漫無下手處惟金星一  
格有頑金開窩之法亦須微有窩坦則可若渾頑飽而



強鑿之凶禍立至豈可直以正躰側腦平面為穴哉其  
曰開口即窩形之穴曰懸乳即乳形之穴曰弓脚雙臂  
單股即鉗形之穴茲五者乃穴形之格而不可與穴星  
之格並列者也若一例立之則穴形之格渾於穴星矣  
今故特以正躰側腦平面三者列為穴星三大格而各  
貫以窩鉗乳突之形則廖氏之九變固已包括於其內  
而有星無穴之弊庶幾可免也夫

### 穴星諸形

#### 金星形圓

有二躰上下俱圓者曰太陽金上員帶方者曰太陰



金俱有正躰側腦平面三格

正躰金星

形圓而端正者也

穴結於中

側腦金星

形圓而身側者也

穴結於傍

平面金星

面仰而身圓者也

穴結於頂

木星形直

正躰木星

頭圓身聳而端正者是也

穴結於中

側腦木星

頭圓身聳而欹側者是也

穴結於傍

平面木星

面仰而身平長硬者是也

穴結節苞

水星形曲

正躰水星

頭圓身曲而端正者是也

穴結於中



側腦水星

頭圓身曲而欹邪者是也

穴結於傍

平面水星

面仰身曲而倒地者是也

穴結於頂

火星形尖

不結穴

土星形方

正躰土星

頭方身平而端正者是也

穴結於中

側腦土星

頭方身平而欹側者是也

穴結於傍

凹腦土星

頭方而中凹身平者是也

穴結凹下

平面土星

面仰而身方倒地者是也

穴結於頂

火星不結穴辨

或問五星皆有生物之理而火星獨不結穴何也曰火



性至燥金入之而溶木入之而焚水入之而涸土入之而焦故火星不能結穴惟作穴之曜氣及龍祖前砂則美郭氏葬經言乘金相水穴土印木而不及火吳草廬蔡牧堂洪天與諸公釋之皆謂火不結穴故不言火也然火既爲穴曜龍祖及前砂固已見生物之妙又何拘於結穴而始謂之生物哉且予兄弟歷觀四方名墓金土二穴最多木次之水又次之而火星之穴未見其一惟浮梁縣景德鎮陽基是落地火星入首落脉穿田發五枝爲五火落地而四面皆水水以濟火故亦有融結然其爲陶冶之塲數十里間烱烱燭天晝夜不息此固



火星之應矣而人多剝燥俗尚繁華易於興替且不免  
回祿時發之災此又火星之病也夫以火得水濟其結  
作且不能全美如此况純火之穴豈可用乎或曰火星  
至燥而不結穴已聞命矣水星至柔而能結穴何也曰  
純水亦不能融結須兼於金金水相溶方有結作故廖  
氏以金水名之曰廖氏既以金水名矣而今止曰水星  
穴者何也曰金星已有定穴此特水星無金蓋以水為  
主故專名也又問曰廖氏九星之中有金水今專以正  
水星名穴固所以破九星之謬矣而金星穴中復以太  
陽太陰名之何也曰金星有高低二躔而太陽太陰名



稱其形且五星七政理之切實非若巨武破廉天罡孤曜諸說之不經而能眩惑於人者從之可也茲蓋惟理是適初非有意立異而故訾九星云耳

金星穴金躰必圓其上下皆圓而身高者曰太陽金上圓帶方而身低者曰太陰金各有正躰側腦平面三格三格又各有窩鉗乳突之形方為真結其有頑金打開水窩裁者亦必開而微有窩坦者全是頑硬粗飽即是生氣不融不可勉強鑄鑿以亂下凶惡之地泄天機穴法諸正躰穴正坐此弊不可誤用學者審之



正躰金星穴格

太陽金



窩穴



鉗穴



乳穴



突穴

太陰金



窩穴



鉗穴



乳穴



突穴



右正體金星穴各有坐眠立三勢大小高低肥瘦六格俯仰二躰及窩穴有深淺闊狹鉗穴有長短雙單曲直乳穴有大小長短突穴有大小雙三等格其乳突二穴之下又有出金出木出水出火出土各五格而窩鉗二穴之左右兩臂又有轉金轉木轉水轉火轉土及一脚轉金一脚轉水木火土者一脚轉水一脚轉金木火土者一脚轉木一脚轉金水火土者一脚轉火一脚轉金木水土者一脚轉土一脚轉金木水火者各二十躰為變格也諸躰又各有帶曜者畚繁俱不詳載以下側腦平面穴格皆倣此論不復重



述

夫正躰金星之穴星辰尊重造化完全故為最貴但窩  
穴要窩中圓淨弦稜明白鉗穴要鉗中藏聚兩掬彎環  
乳穴要圈中舒暢乳上光員突穴要突面光員形躰穎  
異此為穴形八相又須證佐明白添神合法方為真結  
必須仔細檢點不可忽也

側腦金星穴格

圖具下




太陽金



窩



鉗



乳



突

太陰金



窩



鉗



乳



突

右側腦金星穴諸格左右同圖繁不載又有雙側腦者



雙側腦

板鞍穴



擔凹穴



頭高頭低而中凹結穴者曰  
板鞍穴雙腦同高而中凹結  
穴者曰擔凹穴凹間彎者曰  
雙金扛木平者曰雙金扛土  
各有窩鉗乳突四格圖不繁  
載




夫側腦金星之穴星躰偏斜勢起一畔穴不枕腦借樂  
 安杆無乳突二穴亦可形躰雖偏力量無異但窩穴要窩中圓  
 淨弦稜分明鉗穴要鉗中藏聚兩掬彎環乳穴要乳上  
 光圓圈中舒暢突穴要突面光圓形躰賴異此為穴形  
 八相又須證佐分明流神合法方為真結必須仔細檢  
 點不可忽也

平面金星穴格

太陽金



窩



鉗




乳



突



太陰金



窩



鉗



乳



突

夫平面金星之穴或出高山或出平地而平地為至  
難辨認蓋高山有似龍格平地有似羅星但龍格未佳  
羅星孤寒此為異耳平地高山皆有四格窩鉗乳突是  
也但窩穴要窩內圓淨弦稜明白穴宜揭高就脈鉗穴  
要鉗中藏聚兩畔均勻穴宜湊聚避簷乳穴要乳上光  
圓左右掬抱穴宜巖巖就脈突穴要突面光圓形躰類



異穴宜當突就脉廖氏曰凡平面星辰靈光自出於頂  
中生氣聚浮於面上故此穴竅吉力量極大必須龍脉  
真竒證佐分曉流神合法方為真穴務宜仔細檢點不  
可忽也

已上金星諸穴坐向得申庚酉辛乾坤艮皆為得地  
氣旺形應安杆合法主生人相貌潔白心性明達庚  
申辛酉金水生人受蔭巳酉丑年福應若星辰清秀  
龍合上格者主翰苑清貴位極人臣合中格者主職  
兼文武出典大藩合下格者貴為牧守全無貴格亦  
主聰明才辨之士名譽遠揚若星躔龐濁則主武貴



及巨富豪爽武霸鄉曲剴直果斷人咸畏服及清高之士自重自尊不干榮寵高尚其志初生肥白聲朗之人氣至而盛至生瘖啞之人則氣盡而衰矣

木星穴木躰必直其末必圓凡穴星上尖而圓身直而聳者是也端正者曰正躰欹側者曰側腦倒地者曰平面各有窩鉗乳突之形方為真結

正躰木星穴格



窩



鉗



乳



突



右正躰木星穴諸格各有坐眠立三勢大小高低肥瘦六格俯仰二躰及窩穴有深淺闊狹鉗穴有長短雙單曲直乳穴有大小長短突穴有大小雙三等格其乳突二穴之下又有出金出木出水出火出土各五格而窩鉗二穴之左右兩臂又有轉金轉木轉水轉火轉土及一脚轉金一脚轉木水火土者一脚轉水一脚轉金木火土者一脚轉木一脚轉金水火土者一脚轉火一脚轉金木水土者一脚轉土一脚轉金木水火者各二十躰為變格也諸躰又各有帶曜者畧繁俱不詳載以下側腦平面穴格皆倣此論不




復重述

夫正躰木星之穴星辰尊重造此完全故為最貴但窩  
穴要窩中圓淨弦稜明白鉗穴要鉗中藏聚兩掬藥環  
乳穴要圈中舒暢乳上光圓突穴要突面光圓形躰類  
異此為穴形八相又須證佐明白流神合法方為真結  
必須仔細點檢不可忽也

側腦木星穴格

圖具下





窩



鉗



乳



突

夫側腦水星之穴星躰偏斜勢趨一畔穴不枕腦借樂  
 安折無乳突二穴形躰雖偏力量無異但窩穴要窩中圓  
 淨弦稜分明鉗穴要鉗中藏聚兩掬彎環乳穴要乳上  
 光圓圈中舒暢突穴要突面光圓形躰類異此為穴形  
 八相又須證佐分明流神合法方為真結必須仔細檢  
 點不可忽也



平面木星穴格


窩穴



直木



橫木



曲木

鉗穴



直木



橫木



曲木



又有其脉曲來如曲尺者如之玄字者於曲動處尋  
穴此乃變格也曰直曰橫曰曲三格皆須要立穴處  
有窩鉗乳突萌蘖節泡方爲真的直脉宜審後龍來  
處分左右尋萌蘖立倚穴若粗大則可尋粘穴穴要  
有毡唇橫脉宜審龍來左右中節尋萌蘖立撞穴躰  
亦難拘但橫直不亂者便是皆要脊上平正兩弦起  
稜一邊起稜亦可亦須稍闊大不可狹小如帶亦不  
可懶坦無休懶坦則真氣不聚狹小則真氣已絕皆  
不可不察

夫平面木星之穴惟平處有之真龍起伏多者方結此



穴力量極大廖氏云凡平面星辰靈光凝聚於坦夷生氣流行於低下精神收斂造化完全此所以謂之吉穴是也必須龍脉真奇證佐分曉流神合法方為真結務宜仔細點檢不可忽也

已上木星諸穴坐向得寅甲卯乙巽皆為氣旺而形應若安扦合法主生人相貌清秀心性坦夷行事遠大甲乙寅卯丙丁巳午未火生人受蔭亥卯末年發達若穴星清秀龍合上格主壯元及第官至極品合中格者應舉登第官至方面合下格者官至邑宰全無貴格亦主明經秀士大有文名若



星辰麗濁龍無正格亦主富而好禮身膺五福子  
孫蕃衍初生清秀脩長之人則氣至而盛至生黃  
瘦矮小之人則氣盡而衰矣

水星穴水性本動其質柔弱賴金以成必無金方能  
結穴金圓水曲凡穴星頭員而身曲者是也有三  
大格端正者曰正躰欹斜者曰側腦倒地者曰平  
面各有窩鉗乳突之形方爲真結

正躰水星穴格具下





窩



鉗



乳



突

右正躰水星穴諸格各有坐眠立三勢大小高低肥瘦六格俯仰二躰及窩穴有淺深濶狹鉗穴有長短雙單曲直乳穴有大小長短突穴有大小雙三等格其乳突二穴之下又有出金出木出水出火出土各五格而窩鉗二穴之左右兩臂又有轉金轉木轉水轉火轉土及一脚轉金一脚轉水木火土者一脚轉




本一脚轉金水火土者一脚轉水一脚轉金木火土者一脚轉火一脚轉金木水土者一脚轉上一腳轉金木水火者各二十躰為變格也諸躰又各有帶曜者畱繁俱不詳載以下諸穴格皆倣此論不復重述夫正躰水星之穴星辰尊重造化完全故為最貴但窩穴要窩中圓淨弦稜明白鉗穴要鉗中藏聚兩掬彎環乳穴要圈中舒暢乳上光圓突穴要突面光圓形體穎異此為穴形入相又須證佐明白流神合法方為真結必須仔細檢點不可忽也

側腦水星穴格




右側腦水星穴諸格左右同面繁不載




窩



窩



乳



乳

夫側腦水星之穴星躰偏斜勢超一畔穴不枕腦借樂  
安杵無乳突二穴形躰雖偏力量無異但窩穴要窩中圓  
淨弦稜分明鉗穴要鉗中藏聚兩掬彎環乳穴要乳上  
光圓圈中舒暢突穴要突面光圓形躰穎異此為穴形  
入相又須證佐分明流神合法方為真結必須仔細檢



點不可忽也

平面水星穴格



窩



鉗



乳



突

此星腦圓而曲面平而低故名曰平面水星卽慶氏  
平面水星穴格也其躰不一或如荷葉如荷花如葵  
花如梅花者為正格如絛環如梭子如龜如魚者變  
格也但要圓曲分明初無定躰高山少見多在平洋



有似羅星務宜細辨羅星孤虛無龍此躰左右必有應從照樂纏護拱揖自是不同或結穴於中或結穴於側須尋開口為窩為鉗為乳為突四象立穴不可有誤若無四象便是無穴假埠水口羅星賦云水星多在平地妙處難言誠以水曰潤下故平地多有水星平面之穴亦天造地設自然之理也

夫平面水星之穴惟平處有之真龍起伏多者方結此穴力量極大廖氏云凡平面星辰靈光出自頂中生氣聚浮面上精神收斂造化完全所以謂之吉穴是也但要形勢來止分明水法堂局周美賓主有情左右無缺



穴形八相證佐分明方是真結切忌胎息孤寒流神反背孤寒則人丁衰替反背則家業消亡務須仔細檢點不可忽也

已上水星諸穴坐向得亥壬子癸皆為得地氣旺形應若安拊合法主生人相貌清潔心性疎通行事活潑亥子壬癸金水命人受蔭申子辰年發達若星穴清俊龍合上格者主壯元宰相尚書九卿合中格者方面重臣合下格者州郡之職全無貴格亦主因女得貴若穴星龐濁主中富多浮財初生清俊之人氣至而旺至出流蕩之人則氣盡而



衰矣

土星穴土星厚重其形端方凡穴星頭方正而身平  
者是也有四大格其端正者曰正躰偏斜者曰側  
腦頭方而中凹者曰凹腦倒地者曰平面各有窩  
鉗乳突之形方為真結詳具下文  
正躰土星穴格

中穴



窩



鉗




乳



突



角穴



窩



鉗



乳



突

右角  
同推

右正躰土星穴諸格各有坐眠立三勢大小高低肥瘦六格俯仰二躰及窩穴有深淺濶狹鉗穴有長短雙單曲直乳穴有大小長短突穴有大小雙三等格其乳突二穴之下又有出金出木出水出火出土各五格而窩鉗二穴之左右兩臂又有轉金轉木轉水轉火轉土及一脚轉金一脚轉水水火土者一脚轉




水一脚轉金木火土者一脚轉木一脚轉金水火土者一脚轉火一脚轉金木水土者一脚轉土一脚轉金木水火者各二十躰為變格也諸躰又各有帶曜者圖繁不載以下諸格倣此

夫正躰土星之穴星辰尊重造化完全故為最貴但窩穴要窩中圓淨弦稜明白鉗穴要鉗中藏聚兩相變環乳穴要圈中舒暢乳上光圓突穴要突面光圓形躰類異此為穴形八相又須證佐明白流神合法方為真結務須仔細檢點不可忽也

側腦土星穴格



右側腦土星左右皆同面繁不載




窩



鉗



乳



突

夫側腦土星之穴星躔偏斜勢趨一畔穴不枕腦借樂  
 安杆無乳突二穴形躔雖偏力量無異但窩穴要窩中圓  
 淨弦稜分明鉗穴要鉗中藏聚兩掬彎環乳穴要乳上  
 光圓圈中舒暢突穴要突面光圓形躔異此為穴形  
 八相又須證佐分明流神合法方為真結必須仔細檢



點不可忽也


凹腦土星穴格



窩



鉗



乳



突

此星腦凹身方面平故名曰凹腦土星有樂為真切  
忌腰長腰長則為土星見水主出黃腫此穴多是橫  
龍入首故必要後樂如無樂星要有孝順鬼及包裹  
重疊亦可乳突之穴亦不可拘樂窩鉗二穴多搭脊




亦謂之沒骨必要有樂為真亦有撞背結穴者無樂  
亦可橫脉結穴氣盛於前宜後宮仰尾若仰尾內又  
出一乳則非真結或仰尾而後宮無樂星又無包裹  
亦非真結皆不可下此穴結作若真力量極大

夫凹腦土星之穴中低傍高坐下凹軟故又謂之沒骨  
星辰有凹為準形躰怪奇頗難察識多有花假不可不  
辨若融結真實最為極貴廖氏謂之天財凹腦取旺蠶  
絲禾穀金銀大利商賈蓋指謂富星矣若星體濁者其  
言固當如殘穴星清秀龍格奇特又主王侯極品之貴  
予兄弟遊覽名墓凡出爵位之高者莫不皆是土星結



穴但窩穴要窩中圓淨弦稜明白鉗穴要鉗中藏聚兩  
 拘彎環乳穴要圈中舒暢乳上光圓突穴要突面光圓  
 形軀穎異此為穴形八相又須證佐明白流神合法方  
 為真結務須仔細檢點不可忽也

平面土星穴格





此星方平出於平地故名曰平面土星廖氏謂之  
平面天財凡曰棋盤土方勝土柿蒂土玉蘭土鋪  
裀土玉琴土皆其略名也

夫平面土星之穴惟平處有之真龍起伏多者方結此  
穴力量極大廖氏云凡平面星辰靈光凝聚於坦夷生  
氣流行於低下精神收斂造化完全故此爲吉是也但  
窩穴要窩中圓淨弦稜明白鉗穴要鉗中藏聚兩掬彎  
環乳穴要圈中舒暢界水分明突穴要突面光圓形躰  
穎異此爲穴形八相又須龍脉真奇證佐分曉流神合  
法方爲真結務須仔細檢點不可忽也



已土土星諸穴坐向得丑艮未坤巳午皆為氣旺形  
應若安於合法生人相貌肥厚度量寬洪行事朴實  
戊己辰戌丑未金土命人受蔭申子辰年發達若穴  
星清秀後龍合上格者官至王侯宰輔裂土分茅合  
中格者官至司農方面鉅萬之富合下格者官至鹽  
運工戶司財之職全無貴格亦主納粟奏名及倉庫  
雜職之官若穴星寵厚主鉅萬之富冠於州邑厚福  
高壽初生肥矮胖大之人氣至而盛至生黃腫風癩  
之人則氣盡而衰矣

右金木水土諸星結穴必須皆有窩鉗乳突之形



方是有穴真氣融結若徒有星像而無窩鉗乳突  
之形即是無穴真氣不結蓋穴法推其極致星亦  
為輕何也山固周正光彩成好星辰而不結地  
者予兄弟歷覽四方名墓凡怪穴地多是穴形合  
法只醜不成星而人遂以為怪此可見星之輕耳  
然舍星則又不可故必以形與星合為準焉且葬  
書凡形字多是指穴如曰千尺為勢言來龍之遠  
也百尺為形言穴止之近也又云形與勢順是謂  
全氣龍穴皆吉也形與勢逆是謂乖氣言龍穴互勢吉有吉凶也  
形吉是謂重吉龍穴皆吉也勢凶形凶是謂重凶龍穴皆吉也



皆凶故勢凶形吉百福希一言龍凶穴上皆勢吉

形凶禍不旋日言龍吉穴凶此形勢二字即龍穴

二字也審此數語可知地理之法雖重於龍尤重

於穴穴若有差龍吉何益故曰望勢尋龍易登山

點穴難若還差一指如隔萬重山甚哉有味乎其

言之也



人子須知卷之十九

卷之八

新刊

卷之六

吉立  
吉立  
吉立

卷之四











五  
十  
五